

毘婆沙論

古 籍  
第 五 十 五

三 百 六 十 九  
仁 五

5043-



元祿九年丙子二月日重脩

皇圖瓊閣 帝潛綴昌

佛日增輝 懋輪崇轉

山城州天安寺法金剛院置



阿毗曇毗婆沙論卷第五十五

仁

迦旃延子造 五百羅漢釋

北涼沙門浮陀跋摩共道泰譯

使捷度十門品之二



問曰為有三明阿羅漢不若者此中何以  
不說若無者此經云何通如說尊者舍利弗  
白佛言世尊此五百比丘幾是三明  
解脫幾是慧解脫問曰尊者舍利弗  
事不若知者何故問若不知者云何  
聞波羅蜜答曰應作是說尊者舍利弗知問  
曰若知者何故問答曰自有知而故問如毗  
尼說佛世尊知而故問復次尊者舍利弗為



利益他故問尊者舍利弗雖自知彼會中有  
不知者無無畏故不能問佛尊者舍利弗無  
如是過欲利益他故而問復次欲說摠相令  
別異故而問佛為五百比丘說法聞佛所說  
得阿羅漢果斷未來有盡可佛意衆生若能  
得阿羅漢斷未來有是名第一可世尊意尊  
者舍利弗仁作如是念此諸尊者雖皆得阿羅  
漢斷未來有不知誰勤方便欲說如是摠相  
令別異故而問復次佛世尊令五百比丘等  
住於果舍利弗欲令其道差別故而問復次  
佛世尊令五百比丘等住無為解脫舍利弗  
欲令有為解脫差別故而問復次欲顯功德

寶藏令世知故而問譬如寶藏覆在土中多  
人不見如是以少欲知足土覆功德寶藏世  
無知者復次欲令施主生信心故而問有諸  
檀越於夏四月中以衣食等所須之物供給  
衆僧欲令施主知之汝等所施值如是等清  
淨福田故而問復次彼尊者淨行弟子法故  
弟子法應問師應答復次為現破憍慢求法  
情深故而問復次為為壞少有所知生於憍慢  
不喜問人故而問尊者舍利弗作如是念我  
所有智慧有十六世人所知有一分我猶問  
他何況汝等少少知見而不問耶復次欲見  
已身法無慳垢故若人慳於法者見他人問

猶尚不喜何況自問後次為止誹謗故而問  
 諸外道等作如是謗沙門瞿曇夜從優波提  
 舍拘律陀邊受法畫為弟子說若尊者舍利  
 弗合十爪掌於大眾中而問於佛彼誹謗便  
 止復次弟子所說善法欲以如來印印故而  
 問譬如王家所有符疏若不<sup>仁</sup>以王印印者所  
 經<sup>阿毗曇毗婆沙論</sup>關津而不<sup>五十五</sup>信用若以王印印者所往之處  
 而皆信用如是弟子所說善法若不<sup>二</sup>以如來  
 印印者則於遺法四象無信受者若以如來  
 印印者則遺法四象而皆信受是故弟子所  
 說欲以如來印印故而問答曰應作是說有  
 三明阿羅漢問曰此中何故不說答曰應說

此又應如是說若慧解脫俱解脫三明阿羅漢能生現法樂後次已說在先說義中三明阿羅漢若慧解脫若俱解脫若說慧解脫當知已說慧解脫有三明者若說俱解脫當知已說俱解脫有三明者昔有二論師一名時婆羅二名瞿沙跋摩尊者時婆羅偏讚歎慧尊者瞿沙跋摩偏讚歎滅定尊者時婆羅作如是說慧勝滅定所以者何慧能有所緣滅定無所緣尊者瞿沙跋摩說滅定勝慧所以者何滅定唯聖人有慧凡聖俱有讚歎慧者作如是說若有三明不具八解脫者是名三明若有三明具八解脫者亦名三明具

八解脫無三明者是名俱解脫若有一明二  
 明者是名慧解脫前以者何慧勝滅定故若  
 讚歎滅定者作如是說若具八解脫無三明  
 者是名俱解脫若具八解脫有三明者亦名  
 俱解脫若有三明不具八解脫者是名三明  
 若有一明二明名慧解脫所以者何滅定勝  
 慧故仁此二所說俱唐捐其功此二所說三於文  
 無益於義無益三明或得滅定或不得滅定  
 若得者名俱解脫三明若不得者名慧解脫  
 三明今當重說未知欲知根知根知已根所  
 以何故名未知欲知根答曰未知當知未決  
 定當決定未斷當斷是故名未知欲知根問

阿毗曇毗婆沙論 五十五



曰若未知當知未決應當決定未斷當斷名  
未知欲知根者苦法忍生時觀欲界五陰苦  
得決定後生苦法智亦觀欲界五陰苦得決  
定是時名知苦已復知苦何故名未知欲知  
根不名知根耶答曰苦法忍始觀欲界五陰  
苦不名已知苦法智名始知復次苦法忍觀  
欲界五陰決定是苦不名為智苦法智乃知  
以智為決定不以忍復次苦復更生未知  
欲知道不為未知欲知學所覆不以上著下  
下不得自在名知根與此相違故名未知欲  
知根何故名知根答曰未知已知未決定已  
決定未斷已斷問曰苦未知已知未決定已

決定未斷已斷名知想者道比忍現在前除  
自體及相應共有法餘比智分悉得決定後  
生道比智於彼相應共有法始得決定名知  
根何不名未知欲知根耶答曰外國法師說  
第十六心最初道比智刹那名為見道問曰  
此中所論如是說者乃說十五心是見道者  
仁尊者阿毗曇毘婆沙論五十五僧伽婆修作如是說道比忍現在前未  
來有無量道比忍修彼未來修者能於現在  
道比忍刹那相應共有法得決定不應作是  
說所以者何未來道不緣有所作門曰若然  
者其義云何答曰從多分故已得決定者多  
未得決定者少已得決定猶如大地未得決

定如一搏土須彌山芥子大海一滄虛空蚊  
翅處空喻亦如是復次彼後更無未知欲知  
道更不為未知欲知學所覆不以上著下下  
不得自在是故不名未知欲知根何故名知  
已根答曰知已更不知決定已更不決定斷  
已更不斷是名知已根問曰若知已更不知  
決定已更不決定斷已更不斷名知已根者  
何故於三知已法中一獨名為佛耶答曰佛  
初成道時覺一切法作別相觀非摠相觀聲  
聞辟支佛初成道時覺一切法摠相觀非別  
相觀復次若智自知徧知決定知是名為佛  
辟支佛智雖自知非徧知非決定知聲聞智

不各自知非徧知非決定知復次若於一切  
種以緣自覺是名為佛辟支佛雖以緣自覺  
不於一切種聲聞不於一切種以緣自覺復  
次若知徧所知覺徧所覺行徧所緣根徧根  
義所境界徧境界是名為佛聲聞辟支佛不  
尔復次若所聞不如重誓是名為佛聲聞辟  
支佛仁阿毗曇毗婆沙論 五十五次所不應行習氣於此身永斷  
是名為佛聲聞辟支佛不尔復次於甚深十  
二因緣河能盡其底者是名為佛聲聞辟支  
佛不尔如三獸渡河謂兔馬象兔騰躑乃渡  
馬或盡其底或不盡底而渡香象於一切時  
足踏其底而渡如兔渡河聲聞渡因緣河亦

復如是如馬渡河辟支佛渡因緣河亦復如  
是如香象渡河佛渡因緣河亦復如是復次  
若永斷二種無知謂深污不深污是名為佛  
聲聞辟支佛雖斷深污無知不斷不深污者  
復次若永斷二種疑謂是人疑及使性  
疑是名為佛聲聞辟支佛雖斷使性疑不  
斷是人疑復次佛得盡智時於二種障心  
得解脫謂煩惱障解脫障是名為佛復次若  
依所依具足者是名為佛或有所依具足依  
不具足如轉輪聖王或依具足所依不具足  
如辟支佛佛世尊依所依二俱具足如依所  
依器中物器當知亦亦復次若三事具足是

名為佛一色二族三言語復次若具足三事  
是名為佛一誓願具足二功果具足三恣所  
問具足復次若有三不護有三不共念處是  
名為佛復次若所言無二有無盡辨所說無  
失是名為佛復次若善知因善知時善知相  
善知為他說法是名為佛復次若有四種智  
仁 阿毗曇毗婆沙論 五十五  
一無畏智二無蓋智三無缺失智四不六退智  
是名為佛復次若知種種因知種種果知種  
種性知種種對治法是名為佛復次若於世  
八法得解脫其德無有能得邊者能為一切  
厄難者作救護是名為佛復次若得十八不  
共法十力四無所畏大悲三不共念處是名

為佛復次若大悲心深遠微細遍一切處於  
一切衆生無怨憎心深遠者從三阿僧祇劫  
積聚故微細者濟衆生三苦故遍一切處者  
緣三界衆生故於一切衆生無怨憎者於怨  
親中人等不異故如是等事故三已作法中  
一說為佛問曰何故色陰中眼耳鼻舌身立  
根色聲香味觸不立根耶答曰無根相故不  
立根復次若是內入者立根外入者不立根  
復次若作所依者立根若作所緣者不立根  
復次若是衆生數者立根若或是或非者不  
立根復次在自身中者立根不定者不立根  
復次若自所用者立根不定者不立根復次

不共者立根共者不立根問曰受陰中樂受  
立二根苦受立二根何故不苦不樂受立一  
根耶答曰應說二根而不說者當知此說有  
餘復次欲現種種說種種文乃至廣說復次  
欲現二門二略乃至廣說復次樂受或有點  
慧者有不點慧者或有輕躁者有不輕躁者  
仁 阿毗曇毗婆沙論 五十五  
苦受亦尔樂受中若不點慧不輕躁者立樂  
根若點慧輕躁者立喜根苦受亦尔不苦不  
樂受不點慧不輕躁故立一根復次樂受樂  
根所作異喜根所作異苦受亦尔不苦不樂  
受所作無異復次雖相對法故樂受對苦受  
若受對樂受不苦不樂受無相對故立一根



問曰何故想陰不立根耶答曰不立根法多  
何故獨問想問曰所以問者色陰行陰少分  
立根少分不立根受陰識陰盡立根想陰不  
盡立根不少分立根是故問想陰何故不立  
根答曰無根相故不立根復次根以自力自  
功用立想以他力他功用不立如傭作人他  
教則作不教不作若受有所覺思有所思議  
有所識然後想有所想復次為他所覆故善  
想為慧所覆如人憶想不忘世言是人智慧  
不善想為顛倒所覆如無常常想顛倒尊者  
和須蜜說曰何故想不立根耶答曰威勢義  
是根義想威勢少問曰想亦有威勢如說一

切有為法展轉有威勢少問無為法於有為  
法亦有威勢復次根能害煩惱想不能害問  
曰想亦能害煩惱如說比丘修行廣布無常  
想除一切欲愛色無色愛尊者佛陀提婆說  
曰想取相分別分別體唯取想陰數法行境  
界已想然後取相分別問曰煩惱何故不立  
根仁答曰無根相故不立根復次威勢義是根  
阿毗曇毗婆沙論 五十五  
義煩惱威勢少故不立根問曰煩惱能沒生  
死遠難涅槃壞諸善法云何言威勢少耶答  
曰以是下賤可呵法故言威勢少問曰若然  
者何故深污受立根耶答曰受於煩惱有威  
勢煩惱威勢少猶如獄卒雖所住處下亦與

貴勝交往諸獄卒守門者雖復苦切於人無  
有威勢而不得與貴勝交往彼亦如是尊者  
僧伽婆修說曰若法有欲無欲身中可得故  
立根煩惱唯有欲身中可得故不立根若作  
是說則憂根知己根不尔所以者何憂根唯  
有欲人身中可得知己根唯無欲人身中可  
得是故如前說者好問曰何故受善染污不  
隱沒無記立根慧唯善立根染污不隱沒無  
記不立根耶答曰受於煩惱分中勢用勝善  
染污不隱沒無記盡立根慧於出要法中勢  
用勝善慧能增益出要染污慧能斷出要法  
不隱沒無記慧於出要法無所增益問曰俱

是不相應行陰命根立根受身處何故不立  
根耶答曰無根相故不立根復次命根是報  
一切報從業生是以命根立根受身處不定  
或有是依或有是報是故不立根問曰最勝  
義是根義滅盡涅槃於一切有為無為法中  
最勝何以不立根耶答曰此是根畢竟盡處  
仁 阿毗曇毗婆沙論 五十五  
不立根譬如瓶衣畢竟盡處不名瓶衣復次  
若法行世能取果能有所作能知境界者立  
根滅盡涅槃與此相違故不立根復次若法  
是生滅有因是有為相者立根滅盡涅槃與  
此相違故不立根復次根屬因屬緣屬所作  
立根涅槃與此相違故不立根復次若法為

生所生為老所老為壞所壞者立根涅槃不  
介復次根在陰墮世與苦相續有前後相上  
中下相者立根涅槃不介復次言最勝者於  
有為法中最勝故立根涅槃於有為無為法  
中最勝故不立根十八界眼界色界眼識界  
乃至意界法界意識界界名略說亦名廣說  
略說者於說大經如大因緣經大涅槃經等  
廣說者於說入經入亦名略說亦名廣說略  
說者於說界經廣說者於說陰經陰亦名略  
說亦名廣說略說者於說入經廣說者如說  
若有所受當知皆苦於如是等經名為廣說  
復有說者界亦名略說亦名廣說即於界中

不於餘法所以者何界中心色是廣說心數  
法是略說入亦是略說亦是廣說即於入中  
不於餘法所以者何入中色是廣說心心數  
是略說陰亦是略說亦是廣說即於陰中不  
於餘法所以者何陰中色心是略說心數是  
廣說如說若有所受當知皆苦此說一向是  
仁  
阿毗曇毗婆沙論 五十五  
略復有說者界是廣說亦攝一切法十大因緣  
經大涅槃經雖是廣說不攝一切法入雖攝  
一切法而非廣說所以者何是中說法故陰  
不攝一切法所以者何攝一切有為法不攝  
無為法故亦非廣說所以者何是略說故如  
說若有所受當知皆苦此一向是略說佛所

說經廣略義如此非謂如說法施財施是略  
說大因緣經大涅槃經是廣說世尊於所知  
法先廣說十八界即於彼所知次略說十二  
入於彼十二入除無為法略說五陰是名世  
尊廣略之說以如是廣略所說法佛告尊者  
舍利弗我說諸法若廣若略能知解者難得  
以如是廣略說故尊者舍利弗請於世尊世  
尊說法若廣若略能有知解法寶者譬如大  
海中龍於大海中化作大身上昇虛空與起  
大雲遍覆虛空放電光出如是雷音我今當  
雨藥草樹木聞如是音皆生恐怖作如是念  
大海中龍若降雨者我等皆當沒滅是時大

地心無疑懼又無異色而請之言汝當降雨  
 經百千歲我盡能受世尊亦介於主幢佛然  
 燈佛迦羅拘孫陀佛迦那舍牟尼佛乃至迦  
 葉佛所長養智身上昇有餘涅槃虛空界中  
 以大悲雲徧覆世間放智電光出無我師子  
 吼音作如是言舍利弗我所說若廣若略知  
仁 解者難得是時一切受化者聞說是言心懷  
阿毗曇毗婆沙論 五十五  
 恐懼唯除尊者舍利弗世尊以未曾聞名味  
 句身而說諸法我等所不能解尊者舍利弗  
 於六十劫中增長如地知見心無恐懼又無  
 異色而請於佛世尊說法若廣若略能有知  
 解法寶之者問曰有法非聲聞辟支佛境界



何故尊者舍利弗作如是請佛答曰聲聞所知非佛所知以聲聞境界非佛境界以聲聞所行非佛所行以聲聞根非佛根復次佛聽故請尊者舍利弗作如是念世尊所說常以憐愍知量觀其田器而雨法雨不唐捐其言若說一句前人不受佛則不說世尊知我有尔所受法器則為我說如如是法以是事故佛聽故請問曰為何等受化者說界何等說入何等說陰答曰於界中愚者為說界於入中愚者為說入於陰中愚者為說陰復次受化者或是初行或是已行或是久行為初行者說界為已行者說入為久行者說陰下根

中根上根樂廣樂略樂廣略者說亦如是復  
 次若恃性憍慢縱逸者為說界所以者何性  
 義是界義故若恃財憍慢縱逸者為說入所  
 以者何輪門義是入義故恃命憍慢縱逸者  
 為說陰所以者何陰說名殺賊復次於色心  
 愚者為說界所以者何界中廣說色心略說  
仁 數法於色愚者為說入所以者何入中廣說  
阿毗曇毗婆沙論 五十五  
 色略說心心數法於心數法愚者為說陰所  
 以者何陰中廣說心數法略說色心復次為  
 計我者說界為於所依緣愚者說入為我慢  
 者說陰佛為如是受化衆生說陰界入問曰  
 十八界各有十八實體有幾答曰十八界各

有十八實體或十七或十二若說六識身則  
無意界所以者何離六識身外更無意界是  
故名有十八體有十七若說意界則無六識  
身所以者何意界之外更無六識身是故名  
有八十體有十二如名體名假體假乃至知  
名知體說亦如是問曰十八界體或有十七  
或有十二者云何立十八界答曰以三事故  
立十八界一以所依二以依三以境界六界  
是所依六界是依六界是境界所依者眼界  
乃至意界依者眼識乃至意識境界者色乃  
至法問曰若以所依依境界立十八界者阿  
羅漢最後心則非意界所以者何不能生識

故答曰彼亦是意界所以識更不相續者非  
 以意界更以餘事故若識生者亦能作所依  
 過去有十八未來現在亦有十八問曰過去  
 有十八界可尔所以者何六識次第滅者是  
 意界未來現在云何有十八界答曰以是決  
 定相故若未來現在識無意界相者過去者  
 亦無仁以決定相故過去有十八界是故以三十三  
阿毗曇毗婆沙論五十五  
 事說十八界謂所依依境界佛經作如是喻  
 如大樹葉聚比丘當知無量界性亦復如是  
 雖說無量界性而不過十八界盡以三事故  
 名界謂所依依境界佛經亦說六十二界如  
 多界經說彼亦不過十八盡以三事故名界

問曰佛經何故說六十二界答曰欲異外道  
故外道有六十二見以身見為本為對治彼  
見故說六十二界餘經又說憍尸迦世間有  
種種無量界衆生各於自界而起貪著生牢  
彊想言我界勝惟我是實餘者是愚如是盡  
在十八界亦以三事謂所依依境界復有說  
者此中諸見以界名說悉在法界中以是事  
故十八界以三事立界謂所依依境界尊者  
婆摩勒說曰以四事故立十八界一以自體  
二以事三以所作四以分別陰以自體者色  
界乃至法界事者眼識乃至意識所作者何  
眼界乃至意識界分別陰者色陰有十界識陰

有七三陰有一畧此是畧體性乃至廣說已  
說體性所以今當說何故名畧畧是何義答  
曰性義是畧義段義分義別義種種相義不  
相似義分齊義是畧義種種所作是畧所作  
聲論者說曰趣義是畧義持養義是畧義性  
義是畧義者譬如一山之中多有諸性鐵性  
仁白鑽性阿毗曇毗婆沙論五十五鉛性銅性銀性金性石性白塔性十四如  
是一所依身有十八畧性段義是畧義者如  
諸材段次第安置名宮殿樓觀次第安置竹  
篾名扇名蓋次第安置肉段名為男女分義  
是畧義者十八分是男十八分是女別義是  
畧義者男別有十八女別有十八種種相義

是界義者眼界相異乃至法界相異不相似  
義是界義者眼界於餘界不相似乃至法界  
於餘界不相似分齊義是界義者眼界自有  
分齊餘十七界亦有分齊乃至法界自有分  
齊餘十七界亦有分齊種種所作是界所作  
者眼界所作乃至非法界所作法界所作乃  
至非眼界所作聲論者說趣義是界義者趣  
諸界諸趣諸生持養義是界義者能持自性  
故是故性義乃至持養義是界義已摠說界  
所以今當一一別說云何眼界若眼已見色  
今見色當見色已見色是過去今見色是現  
在當見色是未來及諸餘彼分眼外國法師

作如是說彼分眼有四種過去有彼分眼界  
謂眼不見色滅墮過去者現在亦有彼分眼  
界謂眼不見色今滅者未來亦有彼分眼界  
謂眼不見色當滅者及未來必不生彼分眼  
罽賓沙門說彼分眼有五種三種如先說未  
來必不生彼分眼有二種一與眼識合二不  
仁與眼識合若以眼見色於已名自分於餘一  
阿毗曇毗婆沙論 五十五  
切衆生亦名自分若眼不見色於已名彼分  
於餘一切衆生亦名彼分復有說者若以眼  
見色於已名自分於餘一切衆生若名彼分  
若眼不見色於已名彼分於餘一切衆生亦  
名彼分復有說者若以眼見色於已名自分



於餘一切衆生不名自分亦不名彼分若眼  
不見色於已為彼分於餘一切衆生非自分  
亦非彼分不應作是說云何是眼不名自分  
亦非彼分評曰如前說者好若以眼見色於  
已為自分於餘衆生亦名自分若眼不見色  
於已名彼分於餘衆生亦名彼分問曰無有  
以他眼見色者云何已眼於餘衆生名為自  
分耶答曰誰說以他眼見色者耶問曰若無  
說以他眼見色者云何已眼於餘衆生名為  
自分耶答曰以所作同故如已眼見色已滅  
於餘衆生亦名見色已滅無有以他眼眼見  
色者問曰自分眼見色彼分眼不見色不見

色眼於見色眼云何名彼分答曰展轉為因  
故見色眼與不見色眼作因不見色眼與見  
色眼作因復次以展轉相生故見色眼能生  
不見色眼不見色眼能生見色眼復次展轉  
相續故見色眼續不見色眼不見色眼續見  
色眼復次見色眼不見色眼俱是一界一入  
仁  
一阿毗曇毗婆沙論根一見諸界有如是相者此中略十六說如眼  
界耳界鼻界舌界身界說亦如是云何色界  
答曰若色為眼已見今見當見已見者是過  
去色今見者是現在色當見者是未來色及  
餘彼分色彼分色有四種過去有彼分色界  
謂不為眼所見已滅者現在有彼分色界謂

不為眼所見今滅者未來有彼分色界謂不  
為眼所見當滅者及未來必不生色有色界  
於一衆生是自分於二三乃至百千衆生是  
自分色界於一衆生乃至百千衆生是自分  
者如初生月若生緣彼眼識是自分色界若  
不生緣彼眼識是彼分色界譬如大會之中  
有一端正莊嚴伎女在中種種舞戲若生緣  
彼眼識是名自分色界若不生緣彼眼識是  
名彼分色界大衆之中昇高座法師說法亦  
復如是有色界於一衆生是彼分於二三乃  
至百千萬一切衆生是彼分謂如須彌山中  
色大海大地中色問曰如是色界非天眼境

界耶答曰雖是境界以不用故然有天眼者  
不必一切時見所應見色問曰彼色不為佛  
眼所見耶答曰是所見以不用故如今無佛  
無佛眼見色問曰若以眼見色於已是自己  
於餘一切衆生亦是自分何故色界若為眼  
所見是自分不為眼所見是彼分耶答曰一  
仁色界容有一衆生不見二十七三衆生則見無有  
阿毗曇毗婆沙論五十五  
一眼二人用見何況多耶色界有如是相者  
此中略說如色界聲香味觸界說亦如是以  
世俗言說故作如是說世俗作如是語汝所  
嗅香我亦嗅之汝所嘗味我亦嘗之汝所覺  
觸我亦覺之實義不尔若一人已嗅香第二

人所不能嗅一人已嘗味第二人所不能嘗  
一人已覺觸第二人所不能觸若如世俗言  
說文說如上若以實義文應如是說如眼界  
耳界鼻界香界舌界味界身界觸界說亦如  
是云何眼識界答曰眼緣色生眼識問曰眼  
識生時除其自體一切法皆作緣何以但說  
眼色作緣耶答曰此說眼識所依及境界眼  
是彼所依色是彼境界復次與眼識作近威  
勢緣者說眼色與眼識作近威勢緣勝於自  
體生老無常是以故說問曰眼識亦緣色生  
何以但言眼識不言色識答曰如外入經說  
緣色生識是名色識乃至廣說

阿毗曇毗婆沙論卷第五十五

仁

十爪

下之巧反

唐捐

下音緣

揣

正作搏音團

蚤翅

上音文正作蚊

下音去施

杌

吾骨反

蹠蹠

則到及二同上正

傭作

上音容

恃

市音

疆

強音

分齊

去聲二字並

白

鑷

下即答反作臘非

鈎

綠音

白

塔

善下音仁

竹篋

下莫結反

阿毗曇毗婆沙論卷第五十五

山城國綴喜郡菽村

十八

靈瑞山嗣思卷沙門宗桂言寫之

